

Minister Geoffrey Wever:
**REUNION DI ACCIONISTA
DI FREEZONE ARUBA
NV, 2025 Y 2026 ATROBE**



WWW.SOLODIPUEBLO.COM



SOLODIPUEBLO@GMAIL.COM

**AUTONOMIA NO
TA UN PRESTAMO:
CONTESTA NA ESNAN
CU KIER ENTREGA E
YABI DI NOS CAS NA
HULANDA!**



**INTRODUCCION DI
BOET Y SANCION PA
VIOLACION DI PRIJSNAN
DI PRODUCTIONAN DEN
CANASTA BASICO**





**SEÑORA HERIDA
DEN BOKSMENTO
RIBA AVENIDA
MILO CROES**

SEÑORA HERIDA DEN BOKSMENTO RIBA AVENIDA MILO CROES



Avenida Milo Croes - mester a bay e crusada
Diaranson anochi rond altura di Stadion na
di 8'or polis y ambulance Dakota, pa un boksmento




cu hende herida.

E autonan involvi tawata un Toyota Agya y un Kia Picanto.

Ambulance tambe tawata necesario pa atende cu un señora cu mester a haya atencion medico.

Polis di trafico y Forensys a presenta. Falta di preferencia tawata motibo di e boksmento aki.

Pa un rato a cera un parti, unda e autonan mester a wordo lanta cu takelwagen y movi di e caminda.



STATEN VAN ARUBA

OPENBARE BIJEENKOMST OP 16 MAART 2026 OM
9:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Presentatie United Nations Office for Service Project (UNOPS) inzake nieuwe penitentiaire inrichting te Barcadera

De Griffier,

mr.drs. Herman Ch. J. Hek

AUTONOMIA NO TA UN PRESTAMO: CONTESTA NA ESNAN CU KIER ENTREGA E YABI DI NOS CAS NA HULANDA!

ORANJESTAD – Recientemente, algun ciudadano a expresa den rednan social cu mester "culpa tur politico di e ultimo 40 añanan" pa e situacion actual y cu mester laga e "macambanan" (Hulanda) tuma decision pa nos, pasobra al fin y al cabo "nos tur ta Hulandes". Maske e frustracion riba e maneho financiero di pasado ta comprendibel, e tipo di pensamiento aki ta peligroso y ta ignora e nificacion profundo di nos Status Aparte.

E fayo den e comparacion di "negoshi"

Hopi biaha ta uza e ehempel cu si bo ruman ta maneha bo negoshi den cora, bo mester kit'e y duna e yabi na un otro. Pero tin un diferencia grandi: Aruba no ta un negoshi, Aruba ta un Pais. Ora bo entrega e yabi di bo pais na un otro (den e caso aki Hulanda via e Rijkswet HOFA), bo no ta simplemente "drecha e finanzas". Bo ta entrega e derecho di bo yuinan pa dicidi riba nan mesun futuro. Si un ruman ta maneha bo negoshi malo, bo ta cambia e ruman (e politico), bo no ta regala e negoshi na e bisiña! Den democracia, e solucion ta den e voto consciente, no den saca man pidi pa un "curatela" colonial.

Passport vs. Nacionalidad

Un argumento cu hopi biaha ta wordo uza ta cu nos nacionalidad ta "Nederlander" y cu nos ta biaha cu un passport cora. Esaki ta berdad legalmente, pero den Reino Hulandes, nacionalidad no ta mesun cos cu autonomia politico.



E passport ta duna bo e derecho di biaha.

Status Aparte ta duna bo e derecho di goberna bo mesun isla.

Esnan cu ta bisa "laga e macamba dicidi" ta lubida cu na Den Haag nan no sa kico ta e necesidadnan di un barrio na Santa Cruz of San Nicolas. Nan ta mira number,

nan no ta mira hende. Entrega autonomia pa motibo di un passport ta mesun cos cu bende bo cas pasobra bo tin un carhi di banco di un otro pais.

Ken ta culpabel?

Culpa "tur" cu a goberna pa 40 aña ta un manera facil pa evita di mira e realidad di awe. Na 2009 Nel a laga e debe di pais na 40% di GDP. Mike na 2017 a subi'e te na 110% di

GDP. Evelyn a bahe y lage na 70% di GDP. Esey ta e mensahe cu nos mes por. No mester di Hulandes pa dicidi pa nos.

Nos no por keda biba den pasado pa hustifica un futuro unda nos Parlamento no tin nada di bisa mas. Un pais cu ta respeta su mes ta drecha su mesun cas, cu su mesun hendenan, sin mester bende su dignidad pa un "interes mas abou" riba un debe.

FORTALEZA PA FAMIA

Scirbi pa Pastor Marcel Balootje.


CUIDOU CU INSULTO CONSTANTE, DEN MATRIMONIO Y FAMIA

Insulto ta haci dolor, insulto ta crea herida, no tin nada cu ta haci mas dolor y ta trece berguensa, ora un yiu ta insulta su mayor, y ta falta respet, mescos cu ora cu den un matrimonio un pareha ta zundra otro constant, y ta tira cos nan cara di otro, dilanti di nan yuinan, sin tene cuenta cu nan mester duna un bon ehempel.

E no ta nada bunita ora hende ta insulta otro, den un palabra bisa insulto y sarcasmo, ta veneno pa tur relacion, y pa tur amistad, pasobra palabra ta herida mas profundo cu golpi, nos tin di tene cuenta cu for di nos boca no por ta saliendo cos malo y cos bon na mesun momento.

Tene cuenta cu Dios no a yama nos pa kibra otro pero pa edifica otro. No ta pasobra bo tin rason bo tin cu usa bo rason pa destrui, pero corda bo tin cu samina bo mes, y asina usa tur oportunidad pa construi, y mayan e persona lo ta agradecido na bo.

Manera nos tur sa cu Efesonan 4:29 ta bisa hopi cla, pa tur hende



comprende lo siguiente: No laga ningun palabra danjino sali for di boso boca, sino solamente palabra cu ta bon pa edificacion, conforme e necesidad di e momento, pa esaki duna gracia na esnan cu ta tende.

Laga tur amargura, furia, rabia, griteria, y calumnia wordo kita for di boso, hunto cu tur malisia. Y sea carinoso cu otro, misericordioso, pordonando otro, mescos cu Dios den Cristo tambe a pordona boso. (Efesonan 4:31-32)

Den un palabra bisa stop di persigi otro, biba consciente, biba na paz, no usa bo posicion pa kibra bo yiu, ruman, of prohimo, y manera e palabra di Dios ta bisa den 1 Thesalonisensenan 5:15 Mira pa ni un hende no paga otro malo cu malo,

ma semper busca loke ta bon pa otro y pa tur hende.

Tin un gran conseho matrimonial cu ta para scirbi den Efesonan 5:21-28-33. Cual ta bisa na prome lugar :

Sea sumiso na otro den e temor di Cristo.

Asina esposonan mester stima nan esposa, manera nan mes curpa. esun cu ta stima su esposa ta stima su mes. Pasobra nunca un hende a odia su mes carni, ma ta alimente y ta cuide.

Mas cla cu esaki no por ta, e palabra ta demostra pa nos no insulta ni maltrata otro verbalmente of fisicamente, pasobra matrimonio ta papia di un solo curpa, y ningun hende cu tin sano huicio ta maltrata su propio curpa.

Asina anto laga cada uno

busca pas y siguie. (1 Pedro 3:10).

No pagando malo cu malo, of insulto cu insulto, ma mas bien dunando un bendicion, pasobra boso a wordo yama pa e proposito aki, pa boso por hereda un bendicion. (1 Pedro 3:9).

Efesonan 6:4 ta para scirbi: Y boso tatanan (Mayornan) no provoca boso yuinan na rabia, ma lanta nan den e disciplina y instruccion di Senjor.

No ta pasobra bo ta mayor bo tin e derechi di insulta, kibra, manipula bo yiu constantemente, Dios no a duna e derechi ey na ningun mayor, no ta pasobra un mucha a haci un fout awe, bo tin cu lanta tur dia y insulte pa mesun cos.

Amor ta cura tur herida, amor ta vence tur maldad, amor ta di Dios.

Sinceramente, Pastor Marcel Balootje.



Minister Geoffrey Wever:

REUNION DI ACCIONISTA DI FREEZONE ARUBA NV, 2025 Y 2026 ATROBE LO TIN GANASHI PA FREEZONE ARUBA NV

Ayera, maart 12, Minister Geoffrey Wever, cu como Minister di Finansa, Asunto Economico y Sector Primario ta representa Land Aruba como unico accionista den FreeZone Aruba NV, tawata tin un reunion di accionista di FreeZone Aruba NV hunto cu e Director nobo di FreeZone Aruba NV, Sr. Walter Mosher, y e Supervisory Board di FreeZone Aruba NV pa presenta y acorda oficialmente e presupuesto pa 2026.

Durante e ultimo aña, FreeZone Aruba NV a pasa dor di un reorganizacion profundo. Entre otro:

- a prepara y entrega tur jaarrekeningen te cu 2024;
- un reorganizacion structural cu un Supervisory Board nobo;
- un director nobo;
- y introduccion di un Begunstigd Beleid pa reposiciona FreeZone Aruba NV y atrae mas inversion y negoshi nobo pa FreeZone Aruba NV.

Desde februari 2026, FreeZone Aruba NV tambe tin un Director nobo: Sr. Walter Mosher, un young professional di Aruba cu despues di un carera internacional a tuma e desicion pa regresa na su pais pa contribui na su desaroyo.

Durante e reunion di awe,

FreeZone Aruba NV a presenta su presupuesto pa 2026.

Pa aña 2025, e ganashi preliminar di FreeZone NV tawata AWG 482.000, cu ta un logro impresionante despues cu FreeZone Aruba NV pa hopi aña tawata haci perdida. Na aña 2024 FreeZone Aruba NV a haci su promer ganashi despues di hopi aña y pa 2025 ta muestra cu FreeZone Aruba NV lo haci un ganashi di AWG 482.000.

Pa 2026, e proyeccion ta ganashi ta AWG 282.000, reflehando e inversionnan importante den mantencion di edificio y den atrae negoshi nobo



pa establece nan mes den FreeZone Aruba NV.

Cu e Begunstigd Beleid nobo awor den vigor, y e cambio structural cu a wordo implementa den e organizacion, nos ta premira un era nobo pa FreeZone Aruba NV.

Un di e obhetivonan di mas importante di Minister di Finansa, Economia y Sector Primario ta pa diversifica e economia di Aruba. Cu pasonan concreto, manera e Begunstigd Beleid nobo pa FreeZone Aruba NV.



STATEN VAN ARUBA

PLECHTIGE OPENBARE VERGADERING OP 18 MAART 2026 OM 6:30 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Ter bijwoning van een Plechtige Openbare Vergadering van de Staten van Aruba, op woensdag 18 maart 2026 des voormiddags om 6:30 uur, ter gelegenheid van de viering van 'Dia di Himno y Bandera en 40 jaar Status Aparte van Aruba'

De Griffier,

mr.drs. Herman Ch. J. Hek



STATEN VAN ARUBA

OPENBARE BIJEENKOMST OP 20 MAART 2026 OM 13:00 UUR N.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Toelichting door de Minister van Financiën, Economische Zaken en Primaire Sector, dhr. mr. G.B. Wever over de stand van zaken over het versterken van de financiële kolom van Land Aruba

De Griffier,

mr.drs. Herman Ch. J. Hek

PROME ANOCHI CU ANIMACION DI DIFERENTE ARTISTA LOCAL



Siman di FERIA Patriotico na Aruba's Carnival & Entertainment Village Prome Minister Mike Eman cu vision grandi pa duna San Nicolas mas bida cultural y eventonan nacional. Pa prome biaha, diferente actividad patriotico a tuma luga den Carnival Village. Entre nan tabatin e Festival Un Canto pa Aruba su Himno y Bandera, cu a tuma luga dia 6 y 7 di maart, treciendo hunto talentonan local di tur edad.

E celebracion cultural a culmina diadomingo cu un bunita Explosion Cultural, cu a inclui un variedad di presentacion

di canto, baile y arte. Durante e evento tambe a presenta tur e ganadornan di e categorianan infantil, hubenil y adulto. E actividadnan cultural aki ta muestra e vision di Prome Minister Mike Eman pa fortifica cultura y identidad di San Nicolas, pa asina e distrito por sigui crece como un centro di arte urbano. Actualmente e artista Rasheed Lowe, den colaboracion cu Tito Bolívar, ta trahando riba un mural nobo riba e edificio di Chocolate City Bar & Restaurant na Bernardstraat, dedica na e gran musico Arubiano Julio Bernardo Euson. E mural, cu ta casi



completo, ya ta muestra un expresion artistico impresionante di e herencia musical y cultural di Euson. E proyecto ta forma parti di e vision pa sigui transforma San Nicolas den un galeria di arte habri, resaltando talento y historia cultural di Aruba.

Feria Patriotico a trece comunidad hunto

E Feria Patriotico riba su prome anochi na Aruba's Carnival & Entertainment Village na San Nicolas tabata un bunita comienso, treciendo hunto comunidad, cultura y talento local den un ambiente di orguyo nacional.

E actividad a cuminsa cu un momento solemne cu Scouting Aruba, encarga cu e acto di hisa bandera di Aruba, sigui pa presentacion di e Himno "Aruba Dushi Tera", canta pa Stephanie Quant. E momento aki a crea un ambiente di respet y patriotismo entre tur esnan presente.

Despues di e ceremonia oficial, e publico presente a disfruta di un variedad di programanan cultural cu a inclui shownan di baile

cultural, cu a pone color y tradicion riba escenario.

E ambiente festivo a sigui cu e entrada di The Rhythm Brassband, cu a anima e publico presente cu ritmo y energia, preparando e escenario pa e presentacion di e monarcnan di Aruba su Carnaval 72.

Durante e anochi, varios hoben artista di carnaval a haya oportunidad pa presenta nan musica y talento riba escenario. Entre e presentacionnan tabatin Brooke Lockhart, Reina Hubenil di Carnaval 72; Ashandric Richardson (Jammer Jr.) cu e cancion Carnaval is a Party; Stephanie Quant cu e tumba hubenil Eynan mi ta bay; Zaidyen Donker (Johnny Boy) como Johnny Boy The Instructor y Jaylon Machado cu Amor. Tambe e publico a disfruta di presentacion di varios ganado di competencia di carnaval hubenil y infantil, entre otro Roadmarch Queen Infantil Adeliza Henriquez (Reina Fantasia), Roadmarch King Youth Brayden Elisabeth (Stinging B Junior) y Rei di Tumba Infantil Jaymerson Kelly. Un momento special tabata

e presentacion di Melody Franken, Reina di Tumba Hubenil di Carnaval 72, cu e cancion Ban Cumi, cu a haya un reaccion sumamente positivo di e publico presente.

E anochi a clausura cu un tremendo presentacion musical di Shine Music, cu a mantene e ambiente bibo te na final di e evento, haci hopi hende disfruta di musica y celebracion di cultura Arubiano.

Prome Minister Mike Eman a expresa su gran satisfaccion cu e participacion di comunidad y e energia positivo cu a reina durante e Feria Patriotico, cu a demostra un biaha mas con cultura, musica y tradicion por trece comunidad hunto.

E Feria Patriotico ta parti di e celebracion di 40 aña di Nos Status Aparte y 50 aña di Nos Himno y Bandera.

Si bo no a logra bin e prome anochi, no perde e Feria Patriotico cu ta continua awe 12 di maart. Entrada ta completamente gratis, pa asina tur hende por bin celebra e rikesa cultural di nos isla hunto.

VOX: UN PODCAST PA ELEVA BOS DI HOBEN TA BEK



Heart-Centered Leadership Foundation (HCLF) tin e grato placer di anuncia cu su podcast di hoben pa hoben ta bek y den un formato nobo. Desde 4 di maart por mira un episodio nobo tur diaranson 2:00 pm riba e plataformanan di Youtube y Facebook di HCLF.

Vox ta un podcast unda ta duna hobennan e oportunidad di por comparti experiencia, ideanan y perspectiva unico di kico e ta pa ta un hoben. Asina ki HCLF ta traha riba un di su metanan principal cual ta pa promove e participacion di hoben. Durante temporada aki cu lo tin 11 episodio unda hobennan entre 15 y 30 aña lo combersa

riba temanan manera autenticidad, identidad, bienestar emocional y mental, vulnerabilidad, conexion, independencia, y mas.

Esaki lo ta e di 3 temporada di e podcast. A lansa e podcast originalmente na final di 2019 y a produci 2 temporada. A tuma un descanso entre 2022 y 2024 pa re-evalua e direccion cu ta hiba e podcast. Cu sosten di fondo hulandes Fonds 21 a cuminsa aña pasa cu e preparacion pa lansa un temporada nobo, den un bachi nobo. E biaha aki e podcast ta den formato di video y hobennan tin un rol crucial dilanti y patras di camera: hobennan cu ta

encabesa e podcast door di guia e combersacionnan como "host" di e podcast, y tin hobennan cu ta tras di camera ta maneha aspectonan tecnico manera camera, direccion, lus y zonido. Pa prepara nan pa e rol aki, un grupo di 10 hoben a haya tayernan incluyendo 2 facilita pa e team dinamico di Stichting Djis pa Hari Multiverse tocante kico ta un podcast y con pa prepara pa filmacion. Ademas a haci dos ronda di test, unda videografo local hoben, Jeremy Franscico di Phrames and Motion,

a sostiene e hobennan den fortalece nan habilidad tecnico: con pa set up y posiciona cameranan, microfonnan, y lus.

E podcast ta wordo graba den un espacio cu HCLF a converti den un studio: VOX Impact Studio ta posibel danki na apoyo di comision di Teresita Center y sosten di Oranje Fonds y Kans Fonds.

HCLF ta haci un invitacion pa bishita e cuenta di youtube www.youtube.com/@VOXAruba of

e pagina di facebook [HCLFoundationAruba](https://www.facebook.com/HCLFoundationAruba) pa mira e episodionan di e podcast y sostiene nos hobennan. Pa mas informacion por tuma contacto cu HCLF na 5841211 of na hclfaruba@gmail.com

To Lead From The Heart Teresita Center, Bernhardstraat 125, San Nicolas, Aruba | +297 584-1211 □

E: hclfaruba@gmail.com
W: www.hclfaruba.org □

KvK # S
997 □ Tax # 5026755
|Bank Acc.: CMB # 63197010

DIADOMINGO AWO PARTIDO AVP LO CELEBRA DIA DI HIMNO Y BANDERA HUNTO CU SU PUEBLO

Partido AVP lo organisa un celebracion special hunto cu comunidad y sostenedornan di partido en conexion cu Aruba su Dia di Himno y Bandera unda cu e aña aki nos isla ta conmemora 40 aña di Status Aparte y 50 aña di Himno y Bandera.

Segun e organisadornan, tradicionalmente Partido AVP ta celebra e ocasion riba 18 di maart, pero e aña aki a tuma decision pa move e actividad pa diadomingo awo 15 di maart, mirando diferente actividad oficial y protocolar relaciona cu e celebracion nacional y e bishita di Su Mahestad Rey Willem-Alexander na Aruba.

Parlamentario Clifford Heyliger a splica cu e celebracion di AVP, organisa pa mas di 37 aña

caba, semper cu e meta pa reuni comunidad hunto cu partido pa celebra Aruba, su historia y su identidad nacional.

E actividad lo tuma lugar na cas di Partido AVP, cuminsando di 10 or di mainta te 4 or di atardi, cu un programa familiar cu ta inclui cultura, entretenimento, deporte y gastronomia.

Ambiente cultural y entretenimiento Durante e dia lo tin diferente presentacion musical entre otro:

- Caha di Orgel
- Guzzie Dancers
- K e n w a r d Henriquez
- Stephany Quant
- Azucar

Ademas, bishitante por disfruta di un ambiente cultural cu musica, baile y



actividadnan recreativo pa henter famia.

Actividadnan pa mucha y deporte

Ronaldinho Zara cu ta un activista di Partido AVP a comenta cu p'e muchanan lo tin un torneo di futbol pa categoria hubenil, cu lo inclui diferente grupo di edad. E organisadornan ta invita tur ekipo di mucha pa participa den e torneo amistoso, cu lo tuma lugar riba un veld di turf chikito dilanti Cas di partido AVP, recordando e tradicion di deporte comunitario.

Tambe lo tin competencia di domino pa adulto y actividad recreativo pa tur edad.

Cuminda y ambiente familiar

Parlamentario Dennerich Kelly a splica tambe cu manera comunidad ya ta custumbra, lo tin un amplio variedad di cuminda y bebida, entre otro hamburger, hotdog, chicken nuggets, sate, chicken cutsmall, raspou,

cotton candy, bolo y koffie, asina cu tur bishitante por disfruta di un ambiente familiar y acogedor.

Organisadornan ta invita tur ciudadano pa bin participa den e celebracion di Aruba hunto den orguyo patriotico, treciendo bandera y compartiendo un dia di cultura, deporte

y union.

“Nos ta invita tur Arubiano pa bin celebra hunto cu nos e amor pa nos isla,” e organisadornan a expresa. E celebracion lo tuma lugar dia 15 di maart na cas di Partido AVP, for di 10:00 di mainta te 4:00 di atardi.



TORNEO ARUBA Ariba

15 DI MAART 2026

Wega di turf mini futbol celebrando Dia di Himno y Bandera

Cas di Partido AVP

E wega lo consisti di team di 4 hungado

CATEGORIA EDAD Y ORARIO

U-7 11:00 am – 1:00 pm
U-9 1:00 pm – 3:00 pm
U-11 3:00 pm – 5:00 pm

Lo tin premio p'e ganadonan

AVP



FERIA NACIONAL ARUBA Ariba

15 DI MAART

11:00 AM - 5:00 PM

Bendemento di cuminda Bar bon surti - Bon ambiente

Cas di Partido AVP

AVP
Partido di Pueblo Arub

Minister Geoffrey Wever:

INTRODUCCION DI BOET Y SANCION PA VIOLACION DI PRIJSNAN DI PRODUCTIONAN DEN CANASTA BASICO

Oranjestad, maart 12— Despues di un trayecto largo di preparacion, Mnister di Finansa, Asunto Economico y Sector Primario, mr. Geoffrey Wever ta anuncia introduccion di boet y sancion pa cada violacion di prijsnan stipula di productonan den e Canasta Basico. Proteccion di consumidornan ta prioridad di maneho economico di Gabinete A V P - F U T U R O . Implementacion di boet y sancion ta parti di maneho pa fortifica control di prijs di productonan di prome necesidad y asina garantiza cu consumidornan ta paga e prijsnan di productonan manera stipula pa gobierno.

E Canasta Basico cu ta consisti di 1.399 productonan di diferente marca, peso, contenido y paketo di prome necesidad y di cual e prijs ta wordo determina pa gobierno, ta un instrumento di maneho esencial pa proteccion di consumidornan contra subimento di prijsnan internacional. Segun informacion riba control di prijs, e averahe di violacion di prijs stipula pa negoshi den 2025 tawata 1,0 por ciento. Di tur e control eherci den 2025, 1,2 por ciento di e negoshinan controla a viola e prijsnan stipula. Den 2025 a duna 126 advertencia por escrito (“schriftelijke waarschuwing”). Aunke tin control di prijs tur

luna ainda no tawata posibel pa duna boet of sancion na negoshinan cu ta viola prijsnan stipula di productonan di e Canasta Basico.

Pa por implementa un maneho di boet y sancion, den november 2021 a trece e cambio necesario den e ‘Prijzenverordening’ pero cu ainda esaki no a drenta na vigor. Despues di un trayectoria largo di preparacion, Consejo di Minister riba peticion di Minister Geoffrey Wever a duna aprobacion na e concepto di e Landsbesluit Bestuurlijke Handhaving Prijzenverordening. E siguiente paso ta pa pidi consejo na Raad van Advies riba esaki. Ta premira cu e introduccion di boet y sancion pa cada violacion di prijsnan stipula di productonan den e Canasta Basico lo drenta na vigor den e di dos kwartaal di 2026.

introduccion di e Landsbesluit Bestuurlijke Handhaving Prijzenverordening, Gabinete AVP-FUTURO ta transforma un set di regla riba papel pa un instrumento legal y real, pa duna boet y sancion pa tur cu no ta cumpli cu prijsnan stipula pa productonan den e Canasta Basico. “Den maneho di proteccion di consumidor, duna boet y sanciona negoshinan cu no ta cumpli cu prijsnan stipula ta un paso historico den desaroyo economico di Aruba. E



Canasta Basico ta keda un instrumento importante pa sigui duna proteccion na consumidornan y garantiza cu ora un consumidor cumpra un producto den e Canasta Basico e consumidor ta paga e prijs manera stipula pa ley segun minister Geoffrey Wever.

E decreto ta introduci dos instrumento principal pa cumpli cu prijsnan stipula di productonan den e Canasta Basico y lo wordo maneha pa e Directie Economische Zaken, Handel en Industrie (DEZHI). E prome instrumento ta un boet administrativo pa maximonan cu ta yega te na Afl. 25.000 pa groothandel y Afl. 12.500 pa kleinhandel pa cada violacion. E di dos instrumento ta un Orden di Castigo (Last onder dwangsom) cu ta un medida cu ta obliga e negoshi pa coregi un violacion of enfrenta un penalidad monetario cu ta ripiti.

E introduccion di e cumplimiento administrativo (bestuurlijke handhaving) ta representa un cambio significativo den con gobierno ta proteha esnan mas vulnerabel y cu menos recurso. Anteriormente, e mecanismonan di cumplimiento tawata limita, pero e decreto nobo aki ta duna gobierno e poder pa impone consecuencia directo, den forma di boete y sacionnan riba e negoshinan cu no ta tene nan mes na e regulacionnan di prijs pa productonan esencial. Gabinete AVP-FUTURO

ta reconoce e importancia di e Canasta Basico pa comunidad di Aruba, y cu e decreto aki, nos ta tuma stapnan concreto pa protehe y vigila cumplimiento di e ley.

Minister Geoffrey Wever ta gradici Departamento di Asunto Economico, Comercio y Industria y Departamento di Legislacion y Asunto Huridico pa e trabao eherci pa asina facilita introduccion di boet y sancion pa cada violacion di prijsnan stipula di productonan den e Canasta Basico.

Clasificados

🚗
🏠
🛒
🏢
🔧
👤



SOLODIPUEBLO@GMAIL.COM

CEL.585 9500



Parlamentario di AVP, John Hart:

PRESUPUESTO DOW 2026 MESTER MARCA UN CAMBIO
PA MANTENCION PREVENTIVO DI INFRASTRUCTURA

ORANJESTAD (10 di maart 2026) – Parlamentario John Hart (AVP) a indica cu e presupuesto pa aña 2026 di Departamento di Obra Publico (DOW) lo bin pronto dilanti di Parlamento di Aruba pa discusion. Segun Hart, e momento aki ta importante pa evalua e maneho di infraestructura den e ultimo añanan y pa determina con e pais por tuma un direccion diferente pa futuro.

Parlamentario Hart a muestra su preocupacion cu e maneho di infraestructura den e ultimo añanan. Segun e, ta cla cu rond di Aruba tin un falta di atencion riba diferente areanan esencial. Entre otro, el a menciona mantencion insuficiente di careteranan, falta di iluminacion den diferente barionan, bermnan di caminda y trottoirnan cu ta deteriora, y tambe falta di sleeping police den diferente caya, situacion cu ta crea mas inseguridad den trafico. Ademas, Hart a muestra preocupacion riba estado di diferente edificio di gobierno y scolnan cu tin atraso serio den mantencion.

Segun Hart, DOW y gobierno tin un rol central den atende e problematica aki, pero Parlamento tambe tin un responsabilidad importante ora trata e presupuesto pa sigura cu ta uza e recursonan di forma efectivo.

Parlamentario Hart a referi tambe na e rapport di Jeugdmonitor 2024, presenta aña pasa den Parlamento. E estudio aki ta ofrece informacion

valioso riba e situacion social di Aruba. Entre e punto principalnan, e rapport ta muestra cu pobreza na Aruba no ta un incidente aisla, sino un problema mas profundo y sistematico. Segun e estudio, deterioro di barionan ta contribui na desigualdad social, cu consecuncianan directo pa siguridad, enseñansa y salud mental di nos hubentud.

Hart a enfatisa cu deterioro fisico y social den barionan ta fortalece un sinti di pobreza y tin impacto directo riba calidad di bida di famianan. “Realidad ta cu den e ultimo añanan, y specialmente den e ultimo lunanan, nos por conclui cu hopi barionan a keda atras. Aunke tabatin surplus fiscal, e deterioro di infraestructura ta visibel. Barionan ta mas deteriora cu nunca,” Hart a declara. Segun dje, e situacion aki ta resultado di añanan di falta di asumi responsabilidad riba asuntonan structural.

Pesey, Hart ta mira e presupuesto di DOW no solamente como un documento di infraestructura y mantencion, sino tambe como un instrumento importante pa contribui na combati pobreza y mehora calidad di bida den nos barionan.

Den e contexto aki, parlamentario Hart ta enfatisa cu e presupuesto 2026 mester refleha un cambio claro den maneho: di un modelo reactivo pa un modelo preventivo. “No nos por sigui warda te ora cos kibra pa despues

bay drecha. Mester tin planificacion y inversion structural pa mantene nos infraestructura,” Hart a indica.

Segun Hart, e presupuesto mester inclui suficiente recurso pa sigura cu barionan tin miho caretera, asphalt, sleeping police y infraestructura adecua pa aumenta siguridad di trafico. E tambe a subraya cu planificacion a largo plazo ta esencial pa logra resultado concreto.

Durante e reunion publico riba e presupuesto di DOW



2026, parlamentario Hart lo sigui enfatisa e importancia di planificacion structural, pa asina pueblo di Aruba por mira resultado mas concreto y sostenibel den mehoracion di infraestructura y calidad di bida.

CROSSWORD
WORD SEARCH PUZZLE



1

2

3

4

5

6

7

8

9

10

Across

2. We are in the month of _____.

7. Broccoli is a _____.

8. On what day of the week do we go to church?

9. A strawberry is a _____.

10. Please shut the _____.

Down

1. After I use the bathroom, I wash my _____.

3. When I am dirty, I like to _____.

4. The color of the sky is _____.

5. The color of the trees are _____.

6. My wife's name is _____.

PARLAMENTARIO EDUARD PIETERS

“NOS MESTER COMPRONDE TRAUMA PA POR SANA NOS SOCIEDAD”



Durante celebracion di Dia Internacional di Hende Muher, parlamentario Eduard Pieters a bishita un simposio organisa pa Soroptimist International Aruba, un actividad dedica na empoderamento di hende muher y proteccion di su dignidad den sociedad.

E encuentro tabata hopi mas cu un celebracion simbolico. Tabata un momento di reflexion profundo riba realidad social cu Aruba ta enfrentando. Tres profesional a comparti nan perspectiva, pero un charla cu a impacta Pieters profundamente tabata e presentacion di Eugene Clementia, cu a trata e tema di trauma cu pasa di generacion pa generacion. Segun Pieters, e tema aki ta uno di e discusionnan mas importante cu Aruba mester cuminsa tene seriamente.

Trauma intergeneracional: Un realidad cu nos no ta papia di dje suficiente. Trauma intergeneracional ta un concepto cada dia mas reconoci den psicologia moderno. Pero

mas importante ainda, ta un realidad social cu ta refleha den hopi problema cu nos ta mira tur dia na Aruba.

Violencia relacional, abuso domestico, adiccion y ruptura familiar no ta aparece di un dia pa otro. Hopi biaha e raiz ta den trauma cu nunca a wordo trata, trauma cu pasa di famia pa famia y di generacion pa generacion. “Niun hende niun mucha ta lanta mainta cu decision pa bira un adicto of pa maltrata un hende muher,” Pieters a indica. “E comportacionnan aki hopi biaha tin raiz den pasado, den trauma, den experiencia di loke e persona a biba desde chikito.”

Comprende esaki ta un paso esencial pa preveni violencia y construi un sociedad mas saludabel.

Violencia relacional ta un problema di tur sociedad. Un otro punto importante cu a sali durante e simposio ta cu violencia relacional no ta discrimina. No ta importa status economico, nivel educativo, bario of profesion.

E problema ta presente den tur capa di sociedad. Pa Pieters, esaki ta muestra cu Aruba mester trata e problema aki cu mas seriedad. Educacion riba trauma, emocion y e relacionnan saludabel mester bira parti di un combersacion nacional. Evento manera e simposio aki no ta solamente importante pa hende muher, ta igualmente importante pa hende homber. “Comprension ta e prome paso pa cambia comportacion,” Pieters a enfatisa.

Nos pasado tambe ta forma nos presente. Un reflexion profundo cu a sali durante e charla tabata e impacto di historia riba identidad social di nos pueblo. Aruba, manera hopi sociedad den Caribe, tin un pasado compleho cu ta inclui esclabitud, holocausta, migracion y trauma historico. Hopi famia na Aruba tin raiz, cu ta conecta cu e generacionnan cu a pasa door di e circunstancianan traumatico. Pa Pieters, ignora e pasado no ta soluciona nada. “Si nos no



comprende nos pasado, ta dificil pa nos comprende nos presente y construi un futuro diferente,” el a expresa. Sanacion social ta cuminsa cu reconocimiento di historia y apertura pa dialogo.

Respet pa hende muher mester ta 365 dia. Pieters a enfatisa cu Dia Internacional di Hende Muher no por keda limita na un fecha simbolico. “Respet pa hende muher mester ta un balor permanente den nos sociedad. Hende muher ta forma columna di famia y comunidad. Ta nos mama, nos wela, nos ruman, nos yiu. Proteha dignidad di hende

muher ta significa crea un sociedad, unda violencia no tin lugar, unda educacion emocional ta importante y unda respet ta fundamental,” Eduard a expresa.

Pa Pieters, evento organisa pa Soroptimist Aruba ta muestra claramente cu Aruba mester habri mas espacio pa dialogo riba trauma, violencia y salud emocional. E tema aki no ta solamente social, sino ta un tema nacional. “Si nos kier combati violencia relacional, adiccion y ruptura familiar, nos mester cuminsa cu comprension di nos pasado, educacion di nos presente y responsabilidad pa nos futuro,” Eduard a finalisa bisando.



Parlamentario di AVP, Clifford Heyliger:

REVITALISACION DI ORANJESTAD TA CLAVE PA DESAROYO ECONOMICO Y URBANO



ORANJESTAD (10 di maart 2026) – Durante e reunion reciente di comision di infraestructura den Parlamento di Aruba, presidente di e comision y parlamentario Clifford Heyliger (AVP) a comparti informacion relevante presenta pa Oranjestad Investors Group, cu ta enfoca riba e potencial pa revitalisa centro di ciudad Oranjestad.

Segun e presentacion, un di e solucion principal pa reanima actividad den centro di ciudad ta pa inverti den e renobacion y modernisacion di infraestructura urbano. E vision ta pa crea un Oranjestad mas dinamico door di traha diferente tipo di actividad economico y cultural, incluyendo museo, hospedahe tipo AirBnb, comercio, apartamento y luga di trabou.



Parlamentario Heyliger

a indica cu e momento aki ta particularmente importante pa avanza cu e tipo di iniciativa aki. Entre e factornan positivo menciona ta cu actualmente tin inversionista motiva pa inverti den centro di ciudad, gobierno ta muestra un actitud proactivo, y tin introduccion di diferente iniciativa fiscal pa stimula inversion.

Segun e informacion comparti, si logra implementa tur plan, inversion total por supera AWG 250 miyon den desaroyo di centro di Oranjestad.

Sinembargo, Heyliger a indica cu inversionistanan tambe a comparti algun preocupacion y reto cu nan ta confronta. Entre esakinan ta e proceso pa obtene permiso, incluyendo permiso di construccion y permiso precario, cu segun nan por tuma hopi tempo. Ademá, e presencia di adicto y actividad ambulante den diferente parti di centro di ciudad ta bin dilanti como reto adicional pa e desaroyo di e area.

Durante e dialogo tambe a sali na cla cu tin diferente plan den desaroyo pa mehora e situacion den centro di ciudad. Entre e iniciativanan menciona



ta e creacion di mas luga pa parkeer, mescos cu implementacion di sistema di camara pa aumenta seguridad den e area. Ademá, Heyliger a señala cu gobierno a crea un task force specifico pa atende e problematica relaciona cu adiccion den centro di ciudad.

E parlamentario a enfatisa cu revitalisacion di Oranjestad ta un stap importante pa fortifica economia di Aruba y pa crea un centro urbano moderno, sigur y atractivo pa residente, empresario y bishitante pareu. Segun Heyliger, e dialogo entre sector publico y sector priva ta esencial pa logra un desaroyo sostenibel di centro di ciudad.

Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447



TRAYECTO DI DISCIPLINA Y OPORTUNIDAD: GRADUACION DI FORMACION SOCIAL (SVT #19)

Un grupo di hoben a celebra un momento importante den nan bida cu e ceremonia di graduacion di Formacion Social (SVT) #19, caminda nan a ricibi nan certificado despues di completa e segundo fase di e programa. E ceremonia a tuma luga den presencia di Prome Minister Mike Eman, Minister Mervin Wyatt-Ras, representante di Marina Real, instructornan y famianan orguyoso.

Durante su discurso, Prome Minister Mike Eman a enfatisa e importancia di e programa SVT como un oportunidad pa hobennan cu ta buscando orientacion den un momento crucial di nan bida.

Segun Premier Eman, hopi di e participante nan ta yega na un punto den nan bida caminda nan ta reflexiona riba nan futuro: si nan kier sigui studia, cuminsa traha, of busca un caminda cu ta duna mas significado na nan bida.

“E programa aki ta duna e hobennan oportunidad pa traha riba nan personalidad, disciplina y nan vision pa futuro,” Eman a expresa.

El a resalta cu e iniciativa di SVT, crea pa yuda e hobennan desaroya nan potencial y pa duna nan e guia necesario pa logra nan meta personal y profesional. Prome Minister tambe a reconoce e contribucion di Jessica Ras y Nicole Whitfield-Godett, cu desde e inicio a hunga un papel importante den desaroyo



di e programa, manera tambe e sosten continuo di Marina Real y ARUMIL.

Trayecto di disciplina y oportunidad

Segun Jessica Ras, coordinadora di Formacion Social, e grupo di SVT #19 a cuminsa nan trayecto na maart di aña pasa y despues di un aña di entrenamiento y formacion nan a logra completa e programa cu exito.

“Awe tres hoben a finalisa e trayecto. Nos ta sumamente contento cu nan a logra termina cu exito,” Ras a explica.

Segun Ras, e programa ta enfoca riba disciplina, desaroyo personal y orientacion profesional, duna hobennan e oportunidad pa prepara nan mes pa un futuro stabiel. Hopi participante despues di completa e programa ta haya motivacion pa sigui un carrera profesional,

incluyendo interes pa sigui un trayecto den ARUMIL.

Experiencia di e participante nan Pa Alexander Dorotal, e trayecto SVT a representa un paso importante den su desarrollo personal. Segun el, e programa a yuda el comprende e importancia di disciplina y perseverancia pa logra su meta.

“Mi kier logra algo den mi bida y duna mi mes un oportunidad pa sigui dilanti,” Dorotal a expresa. Pa Leonardo Gomez, e experiencia tabata positivo y educativo, apesar cu e prome lunanan tabata exigente.

“E prome lunanan tabata un tiki duro, pero despues bo ta custumbra. Bo ta siña hopi y bo ta forma bon amistad cu otro hoben,” Gomez a relata.

El a indica cu e programa a dun’e e confiansa y orguyo



pa sigui avansa den su bida.

“Mi ta recomenda otro hoben pa participa. Bo ta haya un diploma y e ta algo cu por yuda bo den futuro,” Gomez a comenta. E ceremonia di graduacion di SVT #19 a marca e final di un etapa importante pa e participantenan, pero tambe e cuminsamento di un capitulo nobo den nan desaroyo personal y profesional.



HEFE DI BRANDWEER A HACI BISHITA DI TRABAO CERCA MINISTER DOWERS



Diaranson mainta, Hefe di Servicio di Bombero Aruba, ing. Jair Tromp, a haci un bishita di trabao na Minister di Husticia, mr. drs. Arthur Dowers den cual e commandante a duna un presentacion di e situacion actual den organisacion di bombero. Den su presentacion, Tromp a bay den detaye riba e desaroyo recien den Brandweer, pero tambe riba e metanan y prioridadnan principal pa e aña aki. Ademá, a presenta e puntonan strategico principal pa e proximo cuater aña, cu e obhetivo di sigui fortalece e organisacion di bombero y prepara esaki pa e retonan di futuro. E enfoke pa Brandweer Aruba ta riba formacion y certificacion personal, atrae personal nobo, y inverti den ekipo moderno pa fortalece e capacidad operacional y nivel di preparacion di e servicio. Minister Dowers a

subraya e importancia di un servicio di bombero bon prepara y profesional pa mantene siguridad den comunidad. Brandweer tin un rol fundamental den proteha bida, propiedad y infraestructura, y nan ta semper cla pa reacciona rapido y eficazmente den situacionnan di emergencia. E bishita a duna oportunidad pa

intercambia pensamiento riba con por sigi desaroya e organisacion di bombero y con por fortalece e servicio cu nan ta brinda na comunidad di Aruba den e añanan nos dilanti. Minister Dowers tin aprecio pa e trabao y dedicacion di e hombernan y muhernan di bombero, cu ta dedica pa mantene siguridad riba Aruba.

Clasificados



SOLODIPUEBLO@GMAIL.COM

CEL. 585 9500





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - March 12, 2026

 Sorteo # 8797 8888 1499 2975  X3  Sorteo # 7841 8186  X2  Sorteo # 2546 7150  Sorteo # 6600 5422 Leo  Sorteo # 1530 770  X2	 Sorteo # 2678 0 x Jackpot 0 x Match 4+ 3 x Match 4 174 x Afl. 12,00 02-13-21-25-34 Joker 3 Letter I Proximo Jackpot 255.000,-  Sorteo # 7121 0 x Jackpot 14 x Match 4 265 x Afl. 8,00 02-14-18-24-25 Proximo Jackpot 150.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 02-14-18-24-25 Proximo Jackpot 320.000,- Afl. 460.000,-  Sorteo # Sorteo # 
--	--



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - March 12, 2026

 Sorteo # 4916 4410 2356 3270  X3  Sorteo # 4916 2902  X2  Sorteo # 2972 2556  Sorteo # 4916 7854 Geminis  Sorteo # 1790 718  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 02-13-21-25-34 Joker Letter Proximo Jackpot 255.000,-  Sorteo # 0 x Jackpot 0 x Match 4 0 x Afl. 8,00 02-14-18-24-25 Proximo Jackpot 150.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 02-14-18-24-25 Proximo Jackpot 320.000,- Afl. 460.000,-  Sorteo # Sorteo # 
--	---

SOPI DI LETRANAN

WEATHER



I	R	A	I	N	B	O	W	O	D
E	S	I	G	U	D	S	A	G	Z
N	N	D	U	O	L	C	C	Z	I
A	O	H	O	L	S	M	O	I	T
C	D	A	L	R	R	E	D	Z	Z
I	O	I	N	O	R	L	A	T	I
R	O	L	T	N	P	D	N	H	A
R	L	S	S	U	D	D	R	G	R
U	F	D	I	S	A	U	O	I	Z
H	A	W	O	N	S	P	T	L	O

WORD LIST

STORM	FLOOD	CLOUD
LIGHTNING	TORNADO	HURRICANE
SUN	RAIN	SNOW
HAIL	RAINBOW	PUDDLE

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			



Oracion di dia

Un dia fructifero colma cu gracia na abundancia

El a contesta: 'Hipocritanan, profeta Isaias a describi boso bon bon ora cu el a bisa, manera ta skirbi: E pueblo aki, Dios ta bisa, ta alaba Mi cu nan boca so, ma den nan curason nan ta leu fo'i Mi. (Marco 7,6)

Locual ta molestia Hesus ta e hipocresia, e hipocrita ta fingi desconoce algo of fingi di ta inocente. Si tin buraco den e ley e lo uze p'asina hustifica locual e ta haci pa su cumbinencia. Esaki ta un blasfemia paso Dios bo no por gaña pero ta fingi desconoce of simplemente no ta worry. E di ocho mandamento ta bisa pa hende no lanta falso testimonio ni tampco gaña. Nos por puntra nos mes si na tur momento nos ta consciente di esaki y nos ta haci esaki. Hopi biaha nos ta faya, haci redo of lanta falso testimonio riba otro hende, p'esaki nos lo mester reflexiona y pidi pordon, confesion ta importante pa nos haci, p'asina cambia nos bida y pa sigui biba un bida corecto den fe y cu un curason limpi di pica y di tur mal pensamiento p'asina nos no ta hipocrita y sigui riba caminda di Dios.

Oracion: Señor Hesus, duna nos e gracia di por compronde bo palabra y laga nos no wak e splinter den e wowo di otro mas bien yuda nos mira e biga den nos mes wowo. P'asina nos no gaña ni biba mane hipocritanan. Pa e motibo aki nos ta acudi na Señor, yuda nos cura nos mal accionnan cu ta aleha nos di e amor di Dios.

Amen

FUNDACION LANTA PAPIAMENTO TA INVITA COMUNIDAD PA LANSAMENTO DI E BUKI 'ATA COMPA NANZI ATROBE!'

ORANJESTAD, 10 di Maart 2026 – Fundacion Lanta Papiamento (FLP) tin e placer di invita henter comunidad di Aruba pa un anochi literario y cultural special pa celebra lansamento oficial di e buki nobo: 'Ata Compa Nanzi atrobe! – un cuenta picaro pa hoben y adulto'. E storianan den e buki ta skirbi pa Señora Yvette Ecury (dfm) y Señor Andy Daal. E buki ta consisti di shete storia den tur dos ortografia di idioma Papiamento. E evento aki lo tuma luga diabierna venidero, dia 13 di maart 2026, na Biblioteca Nacional Aruba na George Madurostraat 13, Oranjestad.

E anochi aki lo ta yena cu nostalgia, arte di ilustracion, presentacion y literatura, dedica na e personahe icono di nos cultura literario, Compa Nanzi. E programa lo cuminsa 6:30 pm y entrada pa e evento ta completamente gratis.

E programa ta varia y bibo.

E lansamento lo no ta simplemente un acto formal, sino un celebracion literario cu presentacionnan atractivo:

- Contamento di storia. E publico lo por disfruta di e presentacion di e storia "Compa Nanzi y Cha Tiger" pa e grupo dinamico contado di storia: Aida, Onty, Richard y Madelene.

- Bautismo unico. Un momento special lo ta e bautismo di e buki: madrina di e buki, Señora Astrid Britten (Directora di BNA), lo batisa e obra den un forma simbolico.

- Ilustracion y entrevista. Lo tin un 'video call' cu e autor Andy Daal cu lo conta con e storianan aki a nace y un entrevista cu Nigel Matthew tocante e bunita ilustracionnan den e buki.

- Benta di buki y mas. E anochi aki bo por cumpra un ehemplar di e buki y tambe por haci donacion na e fundacion pa mas proyecto educativo.

- Detaye di e Evento

Fecha: Diabierna, 13 di



Lansamento di buki
Ata Compa Nanzi atrobe!

Diabierna
13 di maart 2026
6:30 pm - 9:00 pm
Luga: Biblioteca Nacional Aruba
George Madurostraat 13
Entrada Gratis

- Presentacion literario
- Contamento di storia
- Benta di buki
- Entrevista
- Musica

Logos: Biblioteca Nacional Aruba, Coleccion Aruba, Uda, het Cultuurfonds Caribisch Gebied, ARCA

maart 2026.

Ora: 6:30 pm - 9:00 pm.

Luga: Biblioteca Nacional Aruba, George Madurostraat 13.

Entrada: Gratis.

Fundacion Lanta Papiamento ta invita comunidad di Aruba pa hunto cu nos duna honor na nos tradicion di contamento di storia y promove e uzo di nos dushi idioma Papiamento.

Pa mas informacion, por tuma contacto cu Fundacion Lanta Papiamento via nos pagina di Facebook y Instagram @flparuba of via email adres: flparuba@gmail.com.



ARUBA PORTS AUTHORITY NV
ORANJESTAD + BARCADERA

Gerencia, Staff y Personal di Aruba Ports Authority N.V. ta extende nos sincero condolencia y forsa na famia di

Sr. Damaso Marcelo Loefstop

* 24 September 1941 – † 10 Maart 2026

Tata di nos colega Marianella Loefstop
Suegro di nos colega Aldrick Loopstok

Cu Sr. Loefstop sosega na Paz

HACI PAGO DI ABONEMENT ONLINE

TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO

